

清夢外史精

卷一百八十三至卷一百八十四

弟

九

十

三

冊

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百八十三

光緒三十年五月至六月

目錄

盛京將軍增祺致外部俄已失守金州扇子山電

五月初二日

直督袁世凱致外部熊岳俄軍被日截擊退回蓋州電

初二日

直督袁世凱致外部俄兵襲鳳凰城爲日擊敗電

初七日

外部致俄使雷薩爾戰國兵船不得在中立國領海緝捕商船照會

初十日

直督袁世凱致外部日軍佔熊岳並直趨遼陽電

二件十一日

使日楊樞致外部日派大山巖爲司令兒玉爲參贊電

十二日

東海關道何彥昇呈外部日佔蓋平及三度溝高原電

十四日

直督袁世凱致外部俄船由海參崴襲攻韓之元山電十八日

駐滬日領小田切致袁樹勛申明封鎖遼東半島照會十八日

直督袁世凱致外部日軍三路進攻已佔摩天嶺電二十二日

外部致內田請勿招匪並勿令在局外邊界游弋照會二十五日

俄使雷薩爾致外部請禁日本招匪編伍照會二十九日

駐漢德領事致護湘撫張紹華力爭湘鑛利權照會二十九日

護湘撫張紹華覆駐漢德領湘鑛不能私相授受照會六月初一日

日使內田康哉覆外部實未招匪編伍並請禁俄兵勒買軍需照會

初二日

外部覆雷薩爾已照會日使查禁招匪編伍照會初六日

呂海寰盛宣懷致外部米穀出口葡使爭之甚力電初八日

直督袁世凱致外部日攻破大石橋營口俄人均逃電十三日

鐵路督辦盛宣懷咨外部擬借日本銀行款擴充漢陽鐵廠文附合

同一件附件三件二十二日

東海關道何彥昇呈外部日軍進距遼陽七十里電二十三日

直督袁世凱致外部海城牛莊俄軍敗退電二十四日

增祺廷杰致外部俄已退至遼南鞍山站沙河一帶電二十六日

清季外交史料卷一百八十三

黃巖弢夫王彥威輯

男希隱亮編

孫孝章敬立校

盛京將軍增祺致外部俄已失守金州扇子山電

勘電敬悉三十日金州副都統轉探兵廿一日來稟述目睹四月十一日十二日戰狀俄之堅守日之謀攻歷歷如繪計日亡二三百名傷十餘名金州城扇子山失守俄傷亡七八千人百姓死傷百餘人先是俄於城內外多埋地雷幸十一日夜大雷雨城民得以無恙次早俄退日進城令人試探雷處雷發僅轟死五人等語又東路探寨馬集之戰俄

傷十七員兵四五百名又岫巖陣亡俄統領係彼驍勇云謹聞

五月初二日

直督袁世凱致外部熊岳俄軍被日截擊退回蓋州電

據遼南探稱俄調遼陽海城隊赴援旅順於二十九日與日軍遇於熊岳日軍佯爲敗北俄兵力逐中途爲日軍截擊俄軍不能支退回蓋州計傷亡八百餘人又營口探稱大石橋東沙嶺子地方有海城派來奉省巡捕馬隊四百名悉爲俄人擄去又二十六日晚有俄員二人易服乘華民船由旅順抵埠據聞向俄甘統領言該處子藥糧餉俱罄勢難久守云謹轉達五月初二日

直督袁世凱致外部俄兵襲鳳凰城爲日擊敗電

據奉探電稱三十至五月初四日北來馬步隊二千七百餘名南去又

迭據各路探稱日俄於二十四日在遼陽四門子接戰俄兵傷亡五百餘名又在草河嶺接戰陣斃俄官二員兵十五名二十五日在圖們嶺接戰俄兵傷亡二十餘名連日夜深過俄紅十字會車所載受傷俄兵甚多初三日由雄陽火車運載傷兵一千餘名送大石橋鐵嶺醫院調治又入奉城者二百餘名又俄日兩軍在岫巖之哨宮河夾岸相持日兵一萬名至岫助戰俄襲鳳城之兵爲日擊敗於北大堡又襲殺其三百餘騎日現移熹陽溝糧臺於靉陽哨探亦至本溪湖意在抄俄後路並派兵往襲開原中途爲俄軍所阻現正相持其賽馬集日軍現亦退去俄兵復進石臘子二十五日接仗傷俄兵百餘名云謹轉達

五月初七日

外部致俄使雷薩爾戰國兵船不得在中立國領海緝

捕商船照會

爲照會事四月十四日准照稱日本商輪被擊一事據阿大臣文稱日本公使徒告貴國政府違背局外而不知其首先違背局外查劃界專條第七款內載廟羣島不在界內而續該款內載中國責任不得讓各他國或臨時或常時或全該羣島或羣島之一分享用又查日本即在該羣島備敵俄國強買華船並強招華人現查詢該沉船之華人即知爲日本強買強招之事等語本大臣查日本政府所明駁者係爲戰定後向貴國政府因以未守局外索償賠款之地貴國地方官必須明晰公道查看確實之情等因當經轉詢日本駐京大臣去後茲准覆稱繁榮丸乃係商輪由我報館包定並不與軍事相干原可任便行駛何得

謂之享用至稱備戰俄國一節究指何事而言又稱強買強招亦係毫無實據等因前來本部查日本繁榮丸既係商輪照常經過中國海面不得以享用論其曾否備敵俄國強買強招已飭地方官詳查均無實據至戰國兵船不得在中立國領海緝捕商船係屬公例俄國兵艦在該羣島附近將日本商輪擊沉此係有礙局外國之中立不得謂中國未守局外戰定後如有索償之事應由兩交戰國自行理論與局外國無涉相應照覆貴大臣查照可也須至照覆者五月初十日

直督袁世凱致外部日軍佔熊岳並直趨遼陽電

二件

遼探稱初八日日軍已進佔熊岳城

五月十一日

據奉探報稱初七日下午至初八日俄北來馬步隊一千四百五十名

南去南來受傷兵二千一百餘名內留藩醫治者二百人餘悉北去遼陽探稱古羅巴金於復州之戰親身督率昨已回遼聞日內仍擬親率前往又岫巖日軍現有支隊由雞頭峪直趨遼陽云謹轉達 五月十一日

使日楊樞致外部日派大山巖爲司令兒玉爲參贊電

日陸軍忽分兩大支鴨綠之西名滿洲軍已派大山巖爲總司令兒玉源太郎福島安正爲參贊行期未定鴨綠之東北名朝鮮軍總司令官未定又聞日軍已到熊岳請轉北洋 五月十二日

東海關道何彥昇呈外部日佔蓋平及三度溝高原電

日軍報初九日俄二十五艦出旅順口日全艦迎戰擊沉俄一艦損二艦日僅三雷艇受傷初八日俄二雷艇一輪船在旅順口外碰雷擊沉

又查悉初二日近大利寺猛戰獲砲多尊俘俄三百餘斃千餘日亦傷千名初八日佔蓋平西南雙角城初九日大姑山隊佔三度溝北高原五月十四日

直督袁世凱致外部俄船由海參崴襲攻韓之元山電日京電稱十六日有俄三船率九雷艇由海參崴襲攻韓之元山砲擊租界損傷尙無多云前報旅順口外各俄船自係旅口修竣之船非由海參崴潛往者也五月十八日

駐滬日領小田切致袁樹勛申明封鎖遼東半島照會爲照會事照得現奉本國外務大臣男爵小村電飭日本水師統帶官提督東鄉現遵大日本帝國政府之命茲特聲明本年五月二十六日

起日本水師將遼東半島之地即由貔子窩起到普蘭店畫成直線從該線以南之沿岸一概封鎖切實並且續行封鎖等因奉此合亟備文照請貴道轉稟上司並出告示週知實爲公便再者本國水師業已封鎖該地方沿岸如有違例之船舶應照公法強制辦理勿稍寬假合併聲明爲此照會貴道查照施行可也須至照會者五月十八日

直督袁世凱致外部日軍三路進攻已佔摩天嶺電

奉探稱日本昨已攻佔摩天嶺日軍分三路進攻一由金復向蓋平一由岫巖向海城一由鳳城向摩天嶺同至遼陽會戰蓋海兩路日俄探哨日相攻擊日分兵由通化向興京開原進攻似謀截俄後路云謹轉

達 五月二十二日

外部致內田請勿招匪並勿令在局外邊界游弋照會

爲照會事昨准盛京將軍電稱日招馮麟閣等馬隊二百餘名日人二員初十過康平屬哈拉沁屯金壽山率馬隊二百餘日人五員十一過康平西莫力克于家窩堡均向東北遼源州蒙境去近俄又以華官任聽日本在遼西招降馮杜各匪欲壞中立爲言匪隊隨同日人往來沿邊各屬既不能有所攔阻設生他變大局攸關迭據各口總巡暨各縣稟報已飭堅守中立妥爲辦理等因前來本部查貴國與俄國用兵以來中國確守中立迭經聲明在案近日傳聞日本武員有在遼西一帶招匪情事俄人屢以華官並不攔阻欲壞中立爲言雖經迭與駁辯仍多疑慮現在貴國大兵雲集紀律嚴明此等匪徒本不足用且恐假冒

滋事擾累地方自可毋庸招集以免俄人藉口貴大臣洞察情形顧全大局相應照請轉行貴國武官不必招匪并勿令在局外邊界往來游弋免生事端是所切盼須至照會者五月二十五日

俄使雷薩爾致外部請禁日本招匪編伍照會

爲照會事按照本大臣屢次請貴國政府注意於日本在遼河以西無理任便招募華人並准覆文以已經轉飭阻止各情近查此事仍未斷絕且係明顯招募除錦州外此事出於溝幫子及附近各處招集小股前往毀壞鐵路外刻已招齊數百人成股給以月俸俟日本武員到來前往東省各情惟日本力駁此事而該地方人所共知明談此事到該處之各國武官及游歷人可爲證據雖百方推駁而此係無疑可見貴

國政府雖據理聲明然本地方官陽奉陰違稟報不實暗助日本茲有如此暗助之局外中立較不及於明戰矣相應據本國之命照請貴王大臣設從嚴之法以絕該地方官及日本之遣員妄爲爲要

五月二十九日

駐漢德領事致護湘撫張紹華力爭湘鑛利權照會

爲照會事准貴前撫部院趙照稱云云壹是領悉並轉飭禮和洋行知悉茲據該洋行稟覆各節與本署領事之意均屬相符現與該洋行商量妥協並將通行章程條約作爲根本查貴國新訂鑛務暫行章程第一條內載除以前已辦各鑛及業經議定之處仍照原定合同辦理外其有援引前章及前准各省辦鑛成案請辦者概不准行等語查禮和洋行已於數年前有已經議定之鑛山數處不能因後來札飭或章程

將前議作廢又第三條內載鑛地無論係產何種鑛質必須爲國家地方官能發給執照若係有主之地則須與該地主商允地價或願作股分報明立案方准稟請給照等語查禮和洋行層層遵此辦理該洋行與該業主先已商允合同以後將合同稟明駐漢德領事署及駐京德欽差大臣轉致貴國地方官以後請發護照給該洋行鑛師以便前往查勘鑛質所以禮和洋行及該行華夥十分按照章程辦理並無私立合同違章程犯法律之事惟湖南政府不准禮和洋行勘鑛且多方恐嚇該行華夥並不與以上章程條款相符又第四條內載無論中國商民承辦或華洋商合辦又該條二款內載華洋商合股者應聲明等語此等憑據尙不足爲實在准華洋合辦之確據乎如何貴撫部院還是